

傷

寒

六

書

卷二

傷寒總論

傷寒秘要脉證指法

論浮脉形法主病

論中脉形狀主病

論沉脉形狀指法主病

辨脉雖浮雖沉法

論風傷衛氣寒傷榮血辯

用藥寒温辯

正傷寒及温暑暴

乎寒勞力感冒時疫治各不同論

兩感傷<sup>寒</sup>誤治論

傷寒合

病併病論

傷寒少陰証似太陽太陽脉似少陰為反用藥不同論

傷寒陰陽寒熱二厥辯

傷寒結胸痞滿辯

傷寒伏陰

大脉論用藥之誤

傷寒伏脉辯

傷寒言證不言病論

傷寒傳足不傳手經論

急下急温論

傷寒標本論

治傷寒看證法則

傷寒表裏見證治例法

三陽無傳

經論

發熱

頭痛

項強

惡寒

惡風

背

惡寒

寒熱

潮熱

似瘡

無汗

自汗

頭

汗

手足汗

盜汗

煩熱

煩燥

懊懣

身

体痛

拘急

咳嗽

喘

氣逆

短氣

口乾

渴

胸膈滿

膈胸

痞

腹滿腹痛

小腹痛

嘔吐

乾嘔

噦

欬逆

下利

便膿血

四逆

厥逆

不大便

譫語鄭聲附

小便不利小便難附

古上白胎臟結附

咽痛

頭眩

鼻衄

吐血

心悸

熱入血室 四逆 不大便 譫語 鄭聲 小便不通

小便難 小便自利 古胎 臍結 咽痛 頭眩

鼻衄 吐血 心悸 發黃 發斑 發狂 肉

潤筋惕 佛鬱 瘥後昏沉 勞復食復 動氣

傷寒霍亂 不仁 陰陽易 不眠 多眠 抓感

百合 虺厥 傷風見寒傷寒見風 瘥 瘕癧 風

溫 濕溫 風濕 溫毒中腸 戰慄

傷寒家秘的本卷之二

餘杭節菴陶華述

新安吳勉學校

傷寒總論

治傷寒業擅專門誠爲重寄論死生易如反掌利莫  
苟圖禱語緩可取方傷寒專在活法原傷寒有活人  
書明理論指掌圖傷寒論其中有論缺方者有方失  
論者有脉無證者有證無法者非仲景之全書緣其  
歷年已久遺失頗多王叔和以斷簡殘篇而補方造

家秘的本

卷二

論成無已順文註釋而集成全書所以遺禍至今而  
未已也較今庸俗治傷寒一二日不問屬虛屬實而  
便用麻黃桂枝之類汗之三四日不問在經在腑而  
便用柴胡之類和之五六日不問在表在裏而便用  
承氣之類下之以致內外俱虛變證蜂起大抵病人  
表裏虛實不同邪之傳變有異豈可以日數爲准蓋  
風寒初中人無常或入於陰或入於陽事無定體非  
但始太陽終厥陰論也或有自太陰始日傳一經六  
日傳至厥陰邪氣衰不傳而愈者或有不罷再傳者  
或有即傳者或有間經而傳者或有傳至二三經而

止者或有始終只在一經者或有越經而傳者或有  
初入太陽不作譁熱便入少陰而成真陰證者或有  
直中陰經而成寒證者或有證變者或有脉變者或  
有取證不取脉者或有取脉不取證者緣經無明又  
後人有妄治之失况前人立法之差使後人蒙害者  
多矣夫麻黃桂枝二湯仲景立治冬時正傷寒之方  
今人通治非時暴寒溫暑之誤又將傳經陰證與直  
中陰經之陰證混同立論豈爲善乎暴寒溫暑必有  
別方直中傳陰必有活法今皆忘失而無徵也古人  
之書引領後進書不盡意意不盡言說其大槩難博

古而通今皆在得其傳受須活潑潑地且活法者如  
珠走盤但見太陽證者宜直攻太陽但見少陰證攻  
少陰此活法也仲景又云日數雖多但有表證而脈  
浮者尤宜汗之日數雖少但有裏證而脈沉者尤宜  
下之此先賢之確論也切不可執定一二日發表三  
四日和解五六日方下此庸醫執死法也務俾審脈  
驗證辨名定經一一親切無疑方可下手真知其爲  
表邪而汗之真知其爲裏邪而下之真知其爲直中  
而溫之如此而汗如彼而下又如彼而溫桂枝承氣  
投之不差姜附理中發而必當七劑少差死證立見



可不深思而執慮哉仲景取方立論其嚴曰可溫曰  
可汗曰少與曰急下與夫先溫其裏乃攻其表先解  
其表乃攻其裏得其綱領者不難也如響應聲如影  
隨形見病者則目識心通見醫人則接談無慮不得  
其傳者實難也見病者舉手無措見醫人則汗顏緘  
默此猶綉麒麟耳正謂名譽虛隆而實德則病矣嗟  
夫常病用常法誰人不知設有感冒非時暴寒而誤  
認作正傷寒者有勞力感寒而誤認作直傷寒者有  
襍證類傷風而誤認作傷寒治者有直中陰經直寒  
證而誤認作傳經之熱證者有溫熱病而誤認作寒

傷寒治者有暑證而誤認作傷寒治者有如狂而證  
作發狂者有血證發黃而誤認濕熱發黃者有蚊迹  
而認作發斑者有動陰血而認作鼻衄者有嗜語而  
認作狂言者有獨語而認作鄭聲者有女勞復而認  
作陰陽易者有短氣而認作發喘者有  
結胸者有心下硬痛下利純清水而俗呼  
有噦而誤認乾嘔者有併病而認作合病者有正陽  
明腑病而認作陽明經病者有太陽證無脉而便證  
死證者有裏惡寒而認作表惡寒者有表熱而誤作  
裏熱者有陰發燥而認作陽證者有少陰病發熱而

惡作太膠證者有標本全不曉者此幾件終世不相  
證者比比然乎胸中若不證脉講明論方得法但同  
庸俗一槩妄治此殺人不用刃耳非惟救人功大亦  
且陰騭匪輕吾老矣傷寒專科實得仲景先師厥旨  
鮮無萬全之功十中可生八九曾著有書不能盡心  
刻骨因今老邁後恐繼業者不得其傳有玷名行遂  
將一生所畜肺腑語句并家秘不傳之妙及一提金  
殺車槌法逐一語錄于後論註證而證註脉脉註法  
而法註方再三叮嚀吾後子孫不必集閑方而觀別  
論別繁記而莫知其源必須熟記又則自然精貫不

與庸醫伍不使時醫笑可也爾宜珍藏受授謹之慎  
之毋怠毋忽故戒

傷寒秘要脉證指法

與前言大畧同

傷寒治法得其綱領者如拾芥若求之多岐則支離  
破碎如涉海問津矣蓋脉證與理而已傷寒之脉以  
浮大動數爲陽沉濇弱弦微爲陰然脉理精深今人  
何能到此田地耶夫脉者非血非氣乃營行之道路  
實先天後天之大造無所窮盡叔和脉云指下難明  
者真言也今人誇誕通曉者但能言而不能行也吾  
老專以浮中沉三脉候而治之察其陰陽表裏虛實

寒熱如見其肺肝然無所遊其情矣既云傷寒則寒邪自外入內而傷之其入則有淺深次第自表達裏先入皮膚肌肉次入筋骨腸胃以此推之而不難也原風寒初人或先太陽寒水之經此證本寒標熱便有利惡風惡寒頭疼發熱蓋寒鬱皮毛是為表證若在他經則無此證矣脉若浮緊無汗為傷寒用麻黃湯發之得汗為解脉若浮緩有汗為傷風用桂枝湯以散邪汗止為解若無頭疼惡寒脉又不浮此為表證罷而在中中者即半表半裏之間也乃陽明少陽之分脉又不浮不沉在乎肌骨之間謂皮膚之下然則

身和自... 卷上... 五

有二焉若微洪而長陽明脉也外證則目痛鼻乾不  
眠用葛根以解肌脉弦而數少陽脉也其證胸脇痛  
而耳聾寒熱嘔而口苦如見此證此脉便以小柴胡  
和之蓋陽明少陽二經不從標本從乎中直過此邪  
入裏為熱實脉不浮而沉沉則按之筋骨之間方是  
若是脉來沉實有力外證則不惡風寒而反惡熱證  
語大渴或潮熱自汗或揚手擲足揭去衣被五六日  
不大便明其熱入裏而腸胃燥實也輕則大柴胡湯  
重則三承氣湯選用大便通而熱愈矣若脉來沉遲  
無方此為直中陰經直寒證之陰脉其證無頭痛

身熱初起怕寒手足厥冷或戰慄汗出不渴無之屬  
痛嘔吐泄瀉或口出涎沫心如火利者乃陰經自出  
之寒不從陽經傳入故不在傳經熱證治例更當看  
外證如何輕則理中湯重則姜附四逆以溫之其中  
緊要關節吾再表而出之太陽者陽證之表陽明者  
陽證之裏少陽者二陽三陰之間太陰少陰厥陰又  
居於裏總而謂之陰證然三陰俱是沉脈妙在指下  
有力無力中分有力者爲陽爲實爲熱無力者爲陰  
爲虛爲寒最爲切當其三陽經證前論已云不再多  
錄夫三陰傳經熱證脈雖開明論尤未詳重加訂證

如腹滿咽乾屬太陰舌乾口燥屬少陰煩滿囊縮屬厥陰此三者俱是陽經傳入陰經之熱證脈見沉實有力急當攻裏下之如其下後利不止身疼痛脈反沉細無力又當救裏溫之此權變之法也三陰傳經熱證與其三陰直中寒證脈雖沉而有力無力所別證有異而治各不同是其大法也歟前云正陽明病本經風盛氣實脈亦沉實有力者因邪熱傳入胃腑而有燥屎此一節指腑病屬裏而言也實證治之奇功指法之玄妙秘之不與俗人言之耳今將浮中沉三脈列爲三圖圖下就註證治之法使因脈以知證



緣證以明治以此達彼猶粗  
宗也 精亦可以為後人之

論浮脉形法主病

浮初排指於皮膚之上輕手按之便得曰浮此為寒  
邪初入太陽陽經病在表之標可發而去之雖然  
之則有二焉寒傷榮則無汗惡寒用麻黃湯風傷衛  
則自汗惡風用桂枝湯一通一察不可同也

浮緊有力無汗惡寒頭項痛腰脊強發熱此為傷寒  
在表宜發散冬時麻黃湯春夏秋皆用羌活沖和湯  
浮緩有汗惡風頭項痛腰脊強發熱此為傷風在表

表必向本

冬時用桂枝湯餘三時用加減冲和湯腹痛小建中湯痛甚者桂枝大黃湯

論中脉形狀指法主病

中按至皮膚之下肌骨之間畧重按之乃得謂之半表半裏證也然亦有一焉蓋陽明少陽二經不從標本從乎中也

長而有力即微洪脉也此為陽明在經其證微有頭疼眼暈鼻塞乾不得眠發熱無汗用葛根解肌湯若渴而有汗不解或經汗過渴不解者用白虎湯加入參無渴不可服此藥為大忌

弦而數此爲少陽經脈其證胸脇痛而耳聾寒熱嘔  
而口苦俱用小柴胡湯本方自有加減法或兩經合  
病則脈弦而長此湯加葛根芍藥綠膽無出入有三  
禁止宜和解表裏

論沉脈形狀指法主病

沉重手按至肌肉之下筋骨之間此爲沉脈亦有二  
焉陰陽寒熱在沉脈中分無人知此實秘訣耶

沉數有力則爲陽明之本表證解而熱入于裏惡寒  
頭疼悉除反覺怕熱欲揭衣被擲足譫語狂妄  
燥渴或潮熱自汗五六日不大便輕則大柴胡湯重

則三承氣選用

沉遲無力爲寒外證無頭疼無身熱不渴初起怕寒厥冷倦卧兼或腹痛吐瀉或戰慄面如刀刮或口吐白沫冷涎皆是陰經自中直寒證輕則理中湯重則姜附四逆湯溫之

傷寒至沉脉方分陰陽仔細體認下藥不可造次倘有差失殆將歸已凡診脉須分三部九候每部必先浮診三候輕生於皮膚之上候三動也中診三候累重指於皮膚之下肌肉之上候三動也沉診三候重手於肌肉之下筋骨之上候三動也三三而成九候

然後知病之淺深表裏以為處治之標的豈可忽畧於脉而欲求病之所在乎切脉謂之巧得心應指自然神効有枉死者此吾所不信也若不明脉識證狂妄行醫視人命如草芥他日若不受天殃吾亦不信也

辯脉雖浮亦有可下者脉雖沉亦有可汗者夫脉浮當汗脉沉當下固其實也其脉雖浮亦有可下者謂邪熱入腑大便難也大便不難豈敢下乎其脉雖沉亦有可汗者謂少陰病身有熱也假若身不發熱豈敢汗乎此取證不取脉也

論風傷衛氣寒傷榮血辯

蓋風則傷衛氣寒則傷榮血者緣氣本屬陽風屬陽陽則從陽故傷衛氣陽主開泄皆令自汗故用桂枝湯辛甘溫之劑以實表血本屬陰寒屬陰陰則從陰故傷榮血陰主閉藏皆令無汗故用麻黃湯輕揚之劑以發表正所謂水流濕而火就燥雲從龍而風從虎各從其類者是也

用藥寒溫辯

夫發表之藥用溫攻裏之藥用寒溫裏之藥不用熱者表既有邪則爲陽虛陰盛溫之乃所以爲兩助陽有所

助而長則陰邪所由以消故用辛甘溫之劑發散爲  
陽此指發表之藥用溫者明矣裏既有邪則爲陰虛  
陽盛寒之乃所以助陰而抑陽陽受其抑則微而直  
陰所由以長故用酸苦之劑瀉其裏此指攻裏之  
藥用寒者明矣陰經自受寒邪則爲陰虛病主陽不足  
而陰有餘故用辛熱之劑以助其抑此指溫經之  
藥用熱者明矣表有邪不汗之其邪何從而去裏有  
邪不下之其邪何從而出臟有寒不溫之其寒何從  
而除此三者所謂用藥寒溫辯也

正傷寒及溫暑暴寒勞力感冒時疫治各不同

論

大傷寒二字蓋冬時天氣嚴寒以水冰地凍而成殺  
厲之氣人觸犯之即時病者爲止傷寒乃有惡寒頭  
疼發熱之證故用麻黃桂枝發散表中寒邪自然熱  
退身涼有何變證如或頭疼惡寒表證皆除而反見  
譫語怕熱燥渴大便閉者以法下之大便通而熱愈  
有何怪證其餘春夏秋三時雖有惡寒身熱頭疼亦  
微卽爲感冒非明暴寒之輕非比冬時氣正傷寒爲  
重也如冬感寒不卽病伏藏於肌膚至春夏時其伏  
寒各隨時氣改變爲溫爲熱者因溫暑將發又受暑



寒故春變爲溫病既變之後不得復言其爲寒矣所以仲景有云發熱不惡寒而渴者其理可見溫病也暑病亦然比之溫病尤加熱也不惡寒則病非外來渴則明其熱自內達表無表證明矣治溫暑大抵不宜發汗過時而發不在表也其伏寒至夏又感暴寒變爲暑病者即熱病也取夏火當權而言暑字緣其溫熱二證從冬時伏寒所化總曰傷寒所發之時既異治之不可混也若言四時俱是正傷寒者非也此三者皆用辛涼之劑以解之若將冬時正傷寒之藥通治之定殺人矣辛涼者羌活沖和湯是也

能代大青龍湯治傷寒見風傷風見寒爲至穩一方  
可代三方危險之藥如坦夷其神乎哉世俗皆所未  
知也若表解而裏證具者亦以法下之無惑又傷寒  
汗下後過經不愈者亦溫病也已經汗下亦不在表  
也隨病制宜凡有辛苦勞後之人有患頭疼惡寒身  
熱加之骨腿酸疼微渴自汗脈雖浮大而無力此爲  
勞力感寒用補中益氣兼辛溫之劑爲良經云溫能  
除大熱正此謂也若當和解者用以小柴胡加減和  
之下證是者即以本方加大黃微利之切勿過用猛  
烈其害非細若初病無身熱無頭疼便就怕寒厥冷

腹痛嘔吐泄瀉脉來沉遲無力此爲直中寒證宜溫之而不宜汗下也疫癘者皆時行不正之氣老幼傳染相同者是也緣人不近穢氣免傷真氣若近穢氣有傷真氣故病相傳染正如墻壁回賊人不敢入正氣盛邪氣不敢侵正氣既虛邪得乘機而入與前溫暑治又不同表證見者人參敗毒散半表半裏證者小柴胡裏證具者大柴胡下之無以脉診以平爲期與其瘡痢等證亦時疫也照常法例治之

兩感傷寒誤治論

傷寒兩感者陰陽雙傳也雖爲必死之證猶有可救

之理蓋用藥先後發表攻裏本自不同治大書先救裏以因逆湯後攻表以桂枝湯殊不知仲景云太陽與少陰病頭疼惡寒邪入表口乾而渴邪在裏陽明與太陰病身熱自痛邪在表不欲食腹滿邪在裏少陽與厥陰病耳聾脇痛寒熱而嘔邪在表煩滿囊縮邪在裏三陽之頭痛身熱耳聾脇痛惡寒而嘔在表者已自不可下之其三陰之腹滿口渴渴囊縮譫語在表者可不下乎活人書引下利身疼痛虛寒救裏之例而欲施治於煩滿囊縮實熱之證可乎蓋仲景所謂發表者葛根麻黃是也攻裏者調胃承氣是也活

人書却謂救裏則是四逆攻表則是桂枝今以救爲  
攻豈不相悖若用四逆是火濟火而腹滿囊縮等證  
何由而除臟腑何由而通榮衛何由而行故死者可  
立而待也學者豈可執一定之法於胸中乎

傷寒合病併病論

合病併病世所難明若非得其精專焉能識此證哉  
合病者兩經或三經齊病不傳者爲合病併病者一  
經先病未盡又過一經之傳者爲併病若併而未盡  
是傳未過尚有表證法當汗之若併之已盡是爲傳  
過法當下之是知傳則入腑不傳不入腑言其有傳

受如此也三陽互相合病皆自下利太陽陽明合病  
主葛根湯太陽少陽合病主黃芩湯少陽陽明合病  
主承氣湯三陽合病無表證者俱可下但三陽經合  
病仲景無背惡寒語句雖則有口燥渴心煩背微惡  
寒者乃屬太陽證而非三陽合病也三陽若與三陰  
合病即是兩感所以三陰無合併例也

傷寒少陰証似太陽太陽脉似少陰爲反用藥  
不同論

蓋太陽病脉似少陰少陰病証似太陽所以謂之反  
而治當異也今深究其旨均自脉沉發熱以其有頭

寒故爲太陽病脉當浮今反脉不浮而沉者以裏虛  
又寒正氣衰微所致今身體疼痛故宜救裏使正氣  
內強逼邪出外而乾姜生附亦能出汗而解假若裏  
不虛寒則見脉浮而正屬太陽麻黃證也均自脉沉  
發熱以其無頭疼故名少陰病當無熱今反寒邪在  
表但皮膚鬱閉而爲熱而在裏無熱故用麻黃細辛  
以發表間之熱附子以溫少陰之經假使寒邪在裏  
則外必無熱當見吐利厥逆等證而屬正少陰四逆  
湯證也以此觀之表邪浮淺發熱之反尤輕正氣衰  
微脉沉之反爲重此四逆爲癘不爲不重於麻黃附

子細平湯也可見熱附配麻黃發中有補生附配乾  
姜補中有發所謂太陽少陰脉沉發熱雖同而受病  
有無頭疼與用藥自別故併言之耳若誤治之其死  
必矣

傷寒陰陽寒熱二厥辨

陰陽二厥治之一差死語立判太陽厥者先自三陽  
經氣分因感寒邪起於頭疼發熱惡寒已後傳進三  
陰血分變出四肢厥冷乍溫大便燥實譫語發渴揚  
手擲足不惡寒反怕熱脉沉有力此見傳經熱證謂  
之陽厥陽極發厥者即陽證似陰外雖有厥冷內有



熱邪耳謔因大便結實失下使血氣不通故手足冷  
冷乍溫也如火煉金熱極金反化水水寒極而成冰  
反能載物厥微熱亦微四逆微厥深熱亦深大承氣  
正謂九則害其物承乃制其極也若醫人不識疑是  
陰厥復用熱藥如抱薪救火矣夫陰厥者因三陰經  
血分自寒寒邪初病無身熱無頭疼就便惡寒四肢  
厥冷直平臂脛以上過平肘膝不溫引衣蹠卧不渴  
無或嘔吐瀉或戰慄面如刀刮口吐涎泳脉沉絕  
無力此為陰經直中真陰寒證不從陽經傳入謂之  
陰厥也輕則理中湯重則四逆湯溫之勿令誤也

傷寒結腦痞滿辯

凡辨言中

傷寒結腦者今人不分曾下與未下便呼為結腦便  
 與枳桔湯反成真結腦者有之殊不知乃因下早而  
 成未經下者非結腦也乃表邪傳至心中未入于腑  
 者雖謂之結腦如仕表正偏少陽部分只消小柴胡加  
 枳桔以治其悶如未効則以本方對小陷腦湯一服  
 豁然其妙如神秘之莫與俗人言之耳若因下早而  
 成者乃可用陷腦湯分淺深從緩而治之不宜太峻  
 此乃兩道至高之分若過下之則傷元氣也太陽證  
 發熱惡寒頭疼無汗此寒傷榮血當服麻黃湯

一不達而誤下之榮血重傷而成痞滿太陽證頭  
暈惡寒發熱自汗此風傷衛氣當服桂枝湯故邪氣  
若一不達而誤下之衛氣重傷而成結胸蓋言榮  
衛二不達也若言寒熱陰陽證者則誤之甚矣治法又  
錄于四條

陽寒伏陰脈大論用藥之誤

夫言陽寒伏陰脈者其脈沉而遲四肢厥冷腹痛嘔吐  
泄瀉或下利或沉或沉而微或沉而弱或沉而澀或  
必矣至於發之者亦煩燥揭衣被脈大人皆不  
識認作陽證者多矣殊不知陰證不分

執與不然酒總脈下藥至為切當不問脈之浮沉大  
小但一脈無力重按全無便是伏陰不可與藥服  
之必一息與五積散一服通解表裏之寒隨手而愈  
若因沉寒必須姜附以溫之切忌發泄脈雖洪大  
按之無力重按全無者陰脈也若將伏陰之證而誤  
作熱證用涼藥治之則渴愈盛而燥愈急豈非  
此取脈不取證也

傷寒伏脈辨

夫頭夜發熱惡寒或一手無脈兩手全無者庸俗以  
為陽證得陰脈便呼為死證不消殊不知此因寒邪

有傷寒越便爲陰伏故脈伏必有邪注也當攻之  
利傷寒病至六七日以來別無別証候或昏沉目  
昧不知人事六脈俱靜或至無脈此欲正汗也勿攻  
之此二者便如久旱將雨六合陰晦雨後庶物皆甦  
振陽之吉兆正所謂欲雨則天霽熱晴霽天乃反涼  
理可見也當攻者發汗冬用麻黃湯三時用羌活沖  
和湯勿攻者止汗五味子湯各有治法當謹記之

傷寒言證不言病論 詳見項言中

言證不言病者深有理哉夫證之一字有明證見證  
對證之義存直如婦證姦而賊證盜刃證殺而病對

證不得辭而無迹其情矣人之心肝脾肺腎藏而不見若夫耳目口鼻舌則露而其見者也五臟受病人焉知之蓋有諸中必形諸外肝病則目不能視心病舌不能言脾病口不知味肺病則鼻不聞香臭腎病則耳不聽聲以此言之其證最親切矣其太陽經受病證出頭疼身熱惡寒一或傷之本經之證見矣將此首經論之餘經不言可知吾故曰傷寒言證不言病耳

傷寒傳足不傳手經論

詳見經言中

傳足不傳手者此庸俗之謬論也豈有是哉人之尤

滿一身無非血氣所養晝夜循環運行不見豈有止  
行足而不行乎况風寒之中人先入榮衛吾故明  
其所由蓋傷寒者乃冬時感寒即病之名冬乃坎水  
用事其氣嚴凝凜冽水冰地凍在時則是太陽少陰  
正司其令觸冒之者則二經受病其次則是少陽厥  
陰繼冬而施春令而夾受傷者蓋風木之令起于大  
寒節正當三月至春分後方行溫令故風寒亦能傷  
之足陽明太陽中土也與冬時無預而亦受傷者土  
無定位無成名無專氣寄旺於四時終始於萬物則  
四時寒熱溫涼之氣皆能傷之也况表邪傳裏必歸

於胃而爲燥屎用承氣下之胃氣和矣手之六經生  
於夏秋故不傷也足之六經蓋受傷之方分境界也  
若言傷足不傷手則可以爲傳足不傳手則不可也  
設或不傳氣逆作喘何經而來如謂不然仲景設有  
桂枝麻黃乃肺經藥也豈虛言哉

急下急溫論

與前論互看

急下急溫者蓋病勢危篤將有變也非若常病可緩  
如少陰口燥舌乾而渴因邪熱內消腎水將絕固當  
急下以救腎家將絕之水少陰病自利純清水心下  
硬痛口燥渴者急下之少陰病腹脹硬痛或澀澀



不大便土勝水也急下之陽明汗多熱盛恐胃汁乾  
急下以存津液陽明病腹滿潮瀉爲土實急下之熱病  
目不明熱不止者多死目睛不明腎水已竭不能照  
物則已危矣急宜下之五者俱大承氣湯少陰急瀉  
有二證內寒已盛陽和之氣欲絕急瀉之少陰膈上  
有寒飲乾嘔不可吐急瀉之四逆湯此急救之功也

### 傷寒標本論

夫傷寒標本不明如瞽者夜行無路可見也原標者  
病之精末本者病之根本先受病爲本次受病爲標  
標本相傳先以治其急者此良法也假如先起頭痛

果寒就爲本已後發熱就爲標此受病之標本也將  
此一件推之餘皆倣此又脉之標本者假如浮沉爲  
本虛實爲標此脉之標本也

治傷寒看證法則

凡看傷寒先觀兩目或赤或黃赤爲陽毒六脉洪大  
有力燥渴者輕則三黃石膏湯重則大承氣黃爲疸  
證如小水不利或赤無小腹脹滿不痛渴而大便實  
脉來沉實有力者爲濕熱發黃輕則茵陳五苓散重  
則茵陳湯分利小水清白爲愈黃自退矣切法開在  
黃連棧方前次看口舌有無胎狀如見滑白色者邪

未入裏屬半表半裏證宜小柴胡和解舌上黃胎者  
胃腑有邪熱也宜下之調胃承氣湯大便燥實脉沉  
有力而大渴者方可下便不實脉不沉微渴者未可  
下尤宜小柴胡湯舌上黑胎生芒刺者是腎水尅於  
心火十有九死急用大承氣下之無疑矣此邪熱已  
極也切法開在殺車槌方前

已後以手按其心膈至小腹有無痛處若按之當心  
下硬痛手不可近燥渴譫語大便實脉來沉實有力  
爲結胸證急用大陷胸湯加枳桔下之量元氣虛實  
宜從緩治若按心膈雖滿悶不痛尚爲在表未入裏

腑乃邪氣填乎胸中只消小柴胡加枳桔以治其悶  
如未効本方對小陷胸一服如神若按之當心下脹  
滿而不痛者宜瀉心湯加枳桔是痞滿也以手按之  
小腹若痛而小水自利大便黑無或身黃譫妄燥渴  
脉沉實者爲蓄血桃仁承氣下盡黑物則愈若按之  
小腹脹滿不硬痛小水不利卽瀉瀝也五苓散加減  
利之不可大利恐耗竭津液也若按小腹遠臍硬痛  
渴而小水短赤大便實者有燥屎也大承氣下之劫  
法備開殺車槌方前

再後問其大小便通利若何有何痛處及服過何藥

方知端的務使一一明白證脈相對庶得下藥無差  
凡有傷寒若見吐蛔者雖有大熱忌下涼藥犯之必  
死蓋胃中有寒則蛔上膈大凶之兆人皆未知急用  
炮乾姜理中湯一服加烏梅二箇花椒十粒服後待  
蛔定却以小柴胡退熱蓋蛔聞酸則靜見苦則安矣  
凡治傷寒若煩渴欲飲水者因內水消竭欲得外水  
自救大渴欲飲一升正可與一碗常令不足不可太  
過若恣飲過量使水停心下則爲水結胸等證射干  
肺爲喘爲咳留於胃爲噎爲噦溢於皮膚爲腫畜於  
下焦爲癰滲於腸間則爲利下皆飲水多之過也又

不可不與又不可強與經云若還不飲非其治強飲  
須教別病生正此謂也

凡治傷寒若經十餘日已上尚有表證宜汗者與羌  
活沖和湯微汗之十餘日若有裏證宜下者可與大  
柴胡湯下之蓋傷寒過經正氣多虛恐麻黃承氣太  
峻誤用麻黃令人亡陽誤用承氣令人不禁故有此  
戒若表證尚未除而裏證又急不得不下者只得以  
大柴胡通表裏而緩治之又老弱又血氣兩虛之人  
存下證者亦用大柴胡下之不傷元氣如其年壯力  
盛者不在禁例從病制宜

凡治傷寒尺脈弱而無力者切忌汗下寸脈弱而無  
力者切忌發吐俱宜小柴胡和之

凡治傷寒若汗下後不可使用參芪大補宜用小柴  
胡加減和之若大補而氣得補而熱愈盛復變生  
他證矣所謂治傷寒無補法也如曾經汗下後果是  
虛弱之甚時凡無力者方可用甘溫之劑補之此爲  
良法其勞心感寒之證不在禁補之列看消息用之  
凡治傷暑與傷寒俱有熱若誤治之害矣傷寒則外  
惡寒而脈浮緊傷暑則不惡寒而脈虛此爲不同治  
經云脈盛身寒得之傷寒脈虛身熱得之傷暑治宜

小柴胡湯加石膏知母或人參白虎湯天久滯兩濕  
令大行蒼朮白虎湯若元氣素弱而傷重者用清暑  
益氣湯治之

傷寒表裏見證治例活法

凡治傷寒若見頭痛惡寒發熱腰項脊強脉浮者即  
是表證不拘日數多少使用解表藥無疑

凡治傷寒若見耳聾脇痛寒熱嘔而口苦脉見弦數  
者即是半表半裏證不拘日數多少使用和解藥無  
疑

凡治傷寒若頭疼惡寒悉除及見怕熱燥渴譫語



去衣被擗手擗足發狂斑黃或潮熱自汗大便不通  
小便短赤或胸中連臍腸注悶疼瀉脈沉有力或上  
氣喘促卽是傳裏熱證不拘日數多少便用通利下  
藥無疑

凡治傷寒若見初病起無山寒無身熱就使怕寒四  
肢厥冷或腹痛吐瀉或口吐白沫或流冷涎或戰慄  
尚如刀刮引衣捲卧不渴脈來沉遲無力卽是直中  
陰經直寒證急用熱藥溫之無疑要在隨所見證表  
裏而治之切莫亂投湯劑不可拘於日數若非深得  
仲景之意豈能至此耶

三陰無傳經論

凡傷寒邪熱自三陽傳至三陰臟腑入裏為盡無所  
復傳故言無傳經也如再傳者足傳手經也

發熱

翁翁發熱為表熱是風寒熱於皮膚拂鬱於外表熱  
而裏不熱也無汗脉浮緊宜發表有汗脉浮緩宜解  
肌蒸蒸發熱者為裏熱是陽邪入陷於陰中裏熱而  
表不熱也脉沉實而渴者宜下之若表熱未罷邪氣  
傳裏裏未作實則表裏俱熱脉必弦數宜和解少陰  
脉沉反發熱者是未離于表也麻黃附子細辛湯如

發熱煩渴小便赤脉浮大者此爲表裏俱見五苓散  
利之其陰陽俱虛熱不止者汗下後復大熱脉燥亂  
者下利熱不止者皆死也

### 頭痛

頭痛者寒邪入足太陽經上攻于頭此表證也頭痛  
脉浮緊無汗惡寒可發汗頭痛脉浮緩有汗惡寒宜  
解肌照前時令用藥陽明病不惡寒反惡熱五六日  
不大便胃實燥渴熱氣上攻於頭目脉實者調胃承  
氣下之少陽頭痛者小柴胡和之濕家鼻塞頭痛者  
瓜蒂散搐鼻黃水出卽愈痰涎頭痛腦滿寒熱者瓜

荷散吐之厥陰乾嘔吐涎沫頭痛者吳茱萸湯主之  
 三陽雖有頭疼不若太陽專主也三陰無頭痛惟厥  
 陰有頭痛者是脉係絡于頂顛也若痛連於腦手足  
 俱青為真頭痛必死矣

項強

項強者太陽感邪表證也無汗脉浮緊宜發汗葛根  
 湯有汗脉浮緩宜解肌桂枝湯結胸項強大陷腦湯  
 寒濕項強則成瘖何載後條

惡寒

惡寒者乃寒邪客於榮衛則洒淅惡寒維一切屬表

尚在腑陰陽所分若發熱惡寒無之頭疼脊強脉浮  
緊者邪入太陽表證也宜汗之照時令用藥若無熱  
惡寒體倦脉沉遲無力者寒邪入足少陰裏證也宜  
溫之四逆湯經云發熱惡寒發於陽無熱惡寒發於  
陰或有下證悉具而微惡寒者大柴胡下之其少陰  
病惡寒而蹠手足厥冷煩燥脉不至者死也

### 惡風

惡風者風邪傷衛腠理不密由是惡風悉屬於陽非  
比惡寒乃有陰陽之別者有汗惡風脉浮緩者當解  
肌隨時用藥惡風發熱無喘者羌活冲和湯若發汗

太過衛虛亡陽遂漏不止惡風脈浮者桂枝湯加木  
附惡風小便難四肢拘急難以屈伸者同上若風濕  
惡風不欲去衣骨節痛汗出短氣小便不利身微腫  
者甘草附子湯汗後七八日不解表裏俱熱時時惡  
風大渴舌乾燥而煩者人參白虎湯主之

背惡寒

背惡寒者陽氣不足陽氣不足者陰氣盛陰氣盛者  
口中和附子湯陽氣內陷者口乾燥白虎湯二者俱  
背惡宜審治之

寒熱

往來寒熱者陰陽相勝邪正分爭也屬少陽半表半裏證蓋陽不足則陰邪出表而與之爭故陰勝而爲寒陰不足則陽邪入裏而與之爭故陽勝而爲熱邪居表多則多寒邪居裏多則多熱邪在半表半裏則寒熱相半乍往乍來而間作也小柴胡專主往來寒熱寒多者加桂熱多者加大黃是其大法也太陽證八九日如瘧狀一日二三度發不嘔清便脈浮緩者爲自愈不浮緩爲未愈柴胡桂姜湯痢至十餘日發結在裏大渴大便實往來寒熱大柴胡湯若往來寒熱胸脇滿而不痛者半表半裏證未入乎腑小柴胡

加枳桔婦人中風七八日續得寒熱發作有時經水  
適斷為熱入血室亦用小柴胡治之

### 潮熱

潮熱者屬正陽明胃腑旺於未日一日一發日脯而  
作如潮水之有信也專主胃中實熱燥糞使然宜下  
之如熱不潮大便不實而脉浮表證尚在者未可與  
承氣湯候人便硬而燥渴與夫自汗譫語潮熱者急  
當下之無疑矣

### 似瘧

似瘧者一名瘧狀作止有時非若寒熱往來之無定



也太陽證似瘧脉浮洪桂枝湯不嘔清便一日二三發屬厥陰脉浮緩囊不縮為自愈如脉不浮及面赤色有熱者以其不能得小汗身必痒用桂麻各半湯陽明似瘧煩熱汗出日晡發熱脉浮桂枝湯脉實者承氣湯熱入血室其血必結如瘧者小柴胡湯熱多寒少尺脉遲者建中湯候尺脉不遲小柴胡和之濕癢脉和平身無寒但熱骨節煩疼時嘔白虎湯加桂渴者小柴胡加瓜蒌根湯治各有異也

無汗

無汗者寒邪中經腠理固密津液內滲而無汗也風

暑濕皆令有汗惟寒邪獨不汗出太陽證無汗者各  
用麻黃湯春秋差活沖和湯夏月神木湯項背強几  
几無汗者葛根湯陽明無汗而喘者麻黃湯脉弱無  
力難作汗者血虛也黃芪建中加木附湯剛產無汗  
自有本條若夫當汗之證與麻黃湯二三劑汗不出  
者此為難治矣

自汗

自汗者衛為邪干不能固密腠理踈而汗出為有表  
裏虛實之分若惡風寒自汗出者皆因太陽表證未  
解冬用桂枝湯餘月加減沖和湯若汗後惡風寒皆

為表虛汗不止黃芪建中湯與夫太陽證發汗遂漏  
不止為亡陽木附湯若自汗出不惡風寒則為表證  
罷而裏證實也承氣湯下之若小便不利汗出者津  
液少也急下之汗出而渴小便微難者五苓散利之後  
或汗出如油貫珠不流喘而不休者衛氣絕矣皆不  
治也

頭汗

頭汗者邪傳諸陽之者則汗見於頭至頸而還也若  
遍身自汗出謂之熱越今熱不得越而陽氣上騰津  
液上濇故汗出於頭夫裏虛不可下內澀不可汗既

頭有汗不可再汗也其或實熱在內小便利而大便黑爲蓄血頭汗出者輕則犀角地黃湯重則桃仁承氣湯選用熱入血室有半表裏證頭汗出者小柴胡湯發黃頭汗出小便難渴引水漿者濕也輕則茵陳五苓散重則茵陳大黃湯水結腦心下怔忡滿而微熱頭汗與其誤下濕家額上汗出而喘小便難大便利者亦陽脫也

### 手足汗

手足汗者手足乃諸陽之本熱聚于胃腑則津液傍達于四肢也蘊熱則燥屎論語手足汗出者大承氣

湯下之快寒則水穀不分手足濡者理中湯溫之  
是有承氣理中之不同也

### 盜汗

盜汗者睡中則出而醒則止矣緣邪在半表半裏故  
知膽有熱也專主小柴胡為當矣

### 煩熱

煩熱者不經汗吐下則為煩熱與發熱有異也經曰  
病人煩熱汗出則解如未作膈實但當和解微熱而  
已若心下滿而煩則有吐下之殊也先煩而悸者為  
實先悸而煩者為虛虛謂心中欲嘔欲吐之貌陽明

病心煩喜嘔壯熱往來心下悸小便不利小柴胡加  
茯苓湯發汗後解半日許脉浮數者可更發汗桂枝  
湯汗後晝煩夜靜不嘔渴無表證脉微沉乾姜附子  
湯大汗後六七日不大便煩而不解腹滿痛者有燥  
屎也大承氣湯下之止汗下後心下痞滿氣上衝頭  
身振搖而煩者茯苓白朮湯為要也

煩燥

煩為擾亂而煩燥為憤怒而燥謂元煩漸生燥也有  
陰陽虛實之別心熱則煩陽實陰虛腎熱則燥陰實  
陽虛煩為熱輕燥為熱重所謂煩燥者先發煩而後

至燥所謂燥煩者先發燥而後發也太陽中風不  
得汗煩燥者此邪在表而煩燥也羌活和湯大便  
不通六七日遠醫瀉煩燥發作有時而渴者此爲燥  
屎乃邪氣在裏而煩燥也夫承氣湯太陽不得汗醫  
以大切取汗火熱入胃此劫陰煩燥也小柴胡加牡  
蠣湯陽微發汗燥不眠與太陽後復發汗晝日不得  
眠至夜安靜身無熱乾姜附子湯汗後病不解煩  
燥者茯苓四逆湯俱謂陽虛煩燥也又有不煩便作  
燥悶者此爲陰盛拒陽也欲於泥水井中卧飲水不  
得入口者是也四逆湯其結胸煩燥悉具及吐利四

逆而煩燥下利厥逆而煩燥惡寒跗脉不出而煩燥皆爲不治也

### 懊懣

懊懣者鬱悶不舒之貌蓋表證誤下正氣內虛陽邪內陷於心膈之間重則爲結胸也邪在心膈則宜吐執結胃膈則宜下發汗吐下後虛煩不得眠懊懣者與夫短氣煩燥心下滑胸中懊懣者用梔子豉湯陽明病下後懊懣而煩胃中有燥屎承氣湯下之陽明無汗小便不利心懊懣者必發黃茵陳湯利之舌上白胎饑不食虛煩不眠頭汗出懊懣者梔子豉湯也



身體痛

身體痛者雖曰太陽表邪未解又有溫經發汗不同如發熱惡寒頭疼身痛脈浮緊者未未解也及月麻黃湯餘月卷活冲和湯汗之或下利脈沉身痛如被杖者爲陰寒證宜四逆湯溫之發汗後身痛脈沉遲桂枝芍藥人參湯下利煩滿身疼痛先溫其裏四逆湯後攻其表桂枝湯一身盡痛發熱面黃七八日熱結在裏有瘀血也桃仁承氣湯下之如身重痛者屬陽明有風也葛根湯主治也

拘急

拘急者手足不能自如屈伸不便如倦卧惡風之貌  
四肢諸陽之本因發汗亡陽陽虛而有此證自汗脉  
浮小便數心煩惡寒足變拳急芍藥甘草湯太陽病  
發汗遂滿不止惡風小便難拘急者桂枝加附子湯  
吐利後汗出發熱惡寒拘急手足厥冷者四逆湯溫  
之也

### 咳嗽

欬者俗呼爲嗽肺爲邪氣逆不下有肺寒而欬有停  
飲而欬有半表半裏而欬各治不同太陽病身熱欬  
嗽乾嘔微喘而利小青龍湯身涼咳嗽乾嘔微利心

下清引腸痛十棗湯四肢重痲腹疼下利欬嗽或嘔  
真武湯少陰病欬嗽四逆腹痛下利或悸四逆散加  
五味子乾姜少陽病往來寒熱胸滿痛滿而欬小柴  
胡湯欬而嘔滿喘急大半夏湯也

喘

喘者有邪在表而喘有邪在裏而喘有水氣而喘在  
表者心腹滿而不堅外證無汗法當汗之在裏者心  
腹脹滿外證有汗法當下之水氣喘者心下怔忡青  
龍去麻黃加杏仁湯太陽陽明合病脉促有汗而喘  
者葛根黃芩湯治之經云喘而汗出宜利之汗不出

而喘宜發之其或直視譫語汗出如油喘而不休死證也

### 氣逆

氣逆者氣自腹中時逆上衝也因太陽病下之表邪乘虛傳裏裏不受邪則氣逆上行而邪在表也當汗之桂枝湯不上衝者勿與之厥陽客熱上衝此熱在裏而氣上也大柴胡湯下之病緩虛羸少氣氣逆上衝欲吐者竹葉石膏湯有動氣因發汗而氣上李根湯二者皆正氣虛而邪氣逆也

### 短氣

短氣者呼吸不相接續也大抵心腹脹滿而短氣者邪在裏而爲實宜下之承氣湯心腹濡滿而短氣者邪在表而爲虛也宜解之桂枝湯食少飲多水停心下短氣者小半夏湯風濕相搏汗出短氣小便不利惡風不欲去衣邪氣在表甘草附子湯太陽證誤下之短氣懊憹煩燥爲結胸者大陷胸湯治也

### 口乾

口乾者邪熱聚胃消耗津液故少陰證口燥咽乾急下之口乾漱水不欲嚥者若見表證鼻衄爲邪熱在經緣陽明血氣俱多經中熱甚迫血妄行犀角地黄

湯口乾身大熱背惡寒者人參白虎湯若無表證加之腦腹滿如狂者又爲蓄血證桃仁承氣湯少陽口乾小柴胡和之也

### 渴

渴者裏有熱也津液爲熱所耗傷寒傳至厥陰爲渴渴者謂飲水多而小便少乃熱能消水也脉浮而渴屬太陽少青龍去半夏加天花粉有汗而渴屬陽明人參白虎湯便實者宜當下之脉沉而渴屬少陰大承氣湯至於厥陰又熱之極矣俱當下之無疑矣太陽無汗者渴忌白虎宜小柴胡湯陽明汗多而渴成

五苓宜竹葉石膏湯先嘔後渴此爲欲解當與水解  
先渴後嘔爲水停心下赤茯苓湯小便不利而渴五  
苓散茯苓頭汗出小便不利而渴者茵陳五苓散中  
暑脉虛身熱而渴者白虎湯爲要也

### 臍膈滿

臍膈滿者腹間氣塞滿悶也非心下滿脇滿者脇肋  
下脹滿也非腹中滿蓋證邪傳裏必先臍以至心腹  
入胃是以臍滿多帶表証宜微汗惟脇滿多帶半表  
半裏小柴胡加枳椇芍之臍中痰實者湧之如臍中  
結實燥渴大便秘者下之大陷臍湯可也

結胸

結胸者蓋太陽證自汗當服桂枝湯而誤用承氣下  
之而成結胸不按自痛連臍腹邊手不可近者大結  
胸大陷胸湯按之左痛心下硬小結胸小陷胸湯懊  
憺煩渴心下痛者甚熱結胸少與大陷胸湯懊憺滿悶  
身無熱者寒結胸三物白湯心下怔忡頭汗出無大  
熱為水結胸小半夏復茯苓湯若未經下者非結胸也  
滿半表半裏證宜小柴胡枳桔以和之已經下者為  
結胸也結胸脈浮八者未可下猶帶表證若結胸證  
煩燥來且具者必死云云



痞

痞者因太陽證當服麻黃湯而誤用承氣下之而成痞滿此因虛邪留滯若欲下之必待表證罷而後可宜小柴胡加枳桔湯若心寒汗出痞滿者附子瀉心湯服後小便不利者五苓散表未解心下妨悶者白朮結柴胡桂枝湯表未解而數下之遂協熱而利心下痞硬為表裏俱病桂枝人參湯為當也

腹滿

腹滿者邪入太陰脾土也當痛為重實須下之承氣湯時減者為裏虛當溫之理中湯若表解內不消非

表必內也  
卷之二  
三

大滿猶生寒熱亦未可下是邪全未入腑若太滿大  
實必有燥屎雖日數少亦當下之謂邪已入腑也太  
陽證誤下因時腹滿而痛桂枝加芍藥湯痛甚者桂  
枝加大黃湯陽明病發熱腹滿微喘口乾不大便小  
柴胡湯噦而小便難加茯苓三陽合病腹滿身重難  
轉側譫語口中不仁小柴胡湯太陰腹滿吐食不可  
枳實理中湯少陰咽苦腹滿不大便急下之大承氣  
湯下利腹滿身痛先溫其裏四逆湯後解其表桂枝  
湯汗後腹滿當溫厚 一生夏生妻人參湯吐後腹滿  
與調胃承氣湯下 以腹滿和心下鼓湯腹滿大抵湯

熱爲邪則腹滿而咽乾陰寒爲邪則腹滿而吐利食  
不下若曾經吐汗下後腹滿者治各不同也

### 腹痛

腹痛者緣邪氣與正氣相搏則爲腹痛如陽邪傳裏  
而痛者其痛不常當以平溫之劑和之小建中湯陰  
寒在內而腹痛者則痛無休時嘗欲作利也以熱劑  
溫之附子理中湯有燥屎宿食而痛者則煩而不大  
便腹滿而硬痛也大承氣下之少陰下利清穀脈欲  
絕腹痛者通脈四逆湯無小便不利者真武湯實痛  
而關脈實者桂枝加大黃湯經云諸痛爲實則痛隨利

減之法也

小腹滿

小腹滿者臍下滿也若脘滿心下滿腹中滿皆為邪氣而非物今小腹滿則為有物而非氣若小便利者則為蓄血之形小便不利此乃溺滿之證滲利之劑宜分兩途太陽病不解熱結膀胱其人如狂小腹急滿結痛者桃仁承氣湯下盡黑物則愈太陰身黃脉沉小腹滿小水不利者且苓散利之小便青白為愈病人素有痞氣連在臍傍痛引入陰筋者名臍結死也

嘔吐

嘔者聲物俱有而旋出吐者無聲有物而煩出有聲  
無物爲乾嘔也較之輕重則嘔甚於吐矣蓋表邪傳  
裏裏氣上逆則爲嘔也大抵邪在表半裏則多嘔  
及裏熱而嘔吐者俱用小柴胡湯故經云嘔多雖有  
陽明證不可攻攻之爲逆若太陽少陽合病而嘔者  
黃芩加半夏湯太陽陽明合病當利若不利而嘔  
者葛根半夏湯一陽發熱而嘔俱用小柴胡湯先嘔  
後渴此爲欲解當與水解先渴後嘔爲水停心下赤  
茯苓湯若陽明證發熱汗出心煩痞硬下利嘔吐大

柴胡湯若胃冷脈沉遲不食小便不利者半夏理中湯  
加姜汁利而見厥逆者難治以其虛寒之甚也

### 乾嘔

乾嘔者空嘔而無物出也大抵熱在胃脘與穀氣併  
熱氣上薰心下痞結則有此證太陽汗出乾嘔桂枝  
湯主自汗也少陰下利乾嘔姜附湯主下利也厥陰  
吐涎沫乾嘔吳茱萸湯主涎沫也邪去嘔自止又有  
水氣二證太陽表不解心下有水氣身熱乾嘔者微  
喘或自利小青龍湯不發熱又惡寒脇痛欬而利乾  
嘔者亦水氣也十棗湯腸上有寒飲乾嘔者瀉少陰

西逆湯也

噦

噦即乾嘔之甚者非比乾嘔則有聲爛惡而長皆有聲而無物也蓋因胃氣本虛因汗下太過或恣飲冷水水寒相搏虛逆而成也又有熱氣壅鬱上下不得通而噦者輕則和解疎利重則溫散噦而腹滿大便不利先用半夏湯次用小承氣小便不利者猪苓湯噦不止者乾姜橘皮湯溫病有熱暴飲冷水作噦茅根乾葛湯噦家若利尿而噦者則病篤矣

欬逆

欬逆者俗謂乞忒是也。纒發聲於咽喉則遽止。凡痰  
連續數聲然而短促不長。古謂之噦。非也。噦與乾嘔  
無異。但其聲濁惡而長。比之乞忒大有逕庭矣。若將  
乞忒奈爲噦與欬逆。誤人多矣。若便實脈本有力者  
少與承氣湯微利之。因當下失下熱氣入腦。手肺故  
耳若便軟脈虛無力瀉心湯。因胃氣而衝逆。故耳脈  
散者難也。

下利

下利者傷寒下利多噴於熱熱邪傳裏裏虛協熱亦  
爲下利。三陽下利身熱太陰下利手足溫少陰厥陰



下利身涼無熱此其大槩耳夫自利清穀不渴小便  
色白微寒厥冷惡寒脈沉遲無力此皆寒證也若渴  
欲飲水溺色如常泄下黃赤發熱後重此皆熱證也  
寒者理中四逆湯熱者小柴胡猪苓湯寒因直中陰  
經熱因風邪入胃水來傷土故令暴下或溫或攻或  
固下焦或利小便隨証施治但不宜發汗耳若汗之  
便邪氣內攻復泄其津液胃氣轉虛必成脹滿也太  
陽陽明合病下利葛根湯太陽少陽合病下利葛根  
脈實者承氣湯太陽表未解數下之遂協熱利心下  
痞者桂枝人參湯太陰自利不渴與夫厥逆無脈而

利者四逆湯少陰咽痛下利胸滿心煩者猪膚甘桔湯渴而自利純清水心下硬痛口乾燥者此不可溫急用大承氣湯下之無疑矣傷寒續得下利清穀身疼痛者急當救裏四逆湯清便自調急當救表桂枝湯下利譫語脈沉有力爲有燥屎急當下之大承氣湯腸鳴腹滿下利脈沉遲無力急當溫之小建中湯寒毒下利而戴陽者下虛也附子理中湯若夫下利譫語目直視下利厥冷燥不眠下利發熱厥而自汗下利厥冷無脈灸之不瀉脈不至者下利一日十數行脈反實者皆爲不治也

熱入血室

熱入血室者衝脉爲血之海卽血室也男女均有此  
血氣亦均有此衝脉得熱血必妄行在男子則爲下  
血譫語因邪熱傳入正陽明腑在婦人則爲寒熱似  
瘧邪乃隨經而入皆爲熱入血室太陽不解熱結膀胱  
眊其人如狂而血自下者愈用桂枝湯陽明下血譫  
語胸滿如結胸夜則如見鬼此爲熱入血室小柴胡  
湯下焦畜血其人如狂小腹急結小便自利大便黑  
與夫下利無表裏證脉數不解油穀易飢多日不大  
便此爲瘀血桃仁承氣湯少陰病下利膿血或腹滿

如魚腦者桃花湯主之

### 四逆

四逆者手足厥冷不溫謂之四逆邪在表則手足熱邪在半表裏則手足溫至於邪傳少陰則手足冷逆也然自熱而致溫出溫而致厥乃傳經之邪輕則四逆散重則承氣湯下之若初起得病便厥者輕則理中湯重則四逆湯溫之此爲陰經受邪乃陽不足而陰有餘也若或惡寒厥逆蹇趾煩燥吐利而脈不至者皆惡候也

不大便

不大便者因發汗利小便過多耗損津液以致腸胃  
乾燥蓋邪熱傳入正陽明裏證最多惟見發渴譫語  
脈實狂妄潮熱自汗小水赤或心腹脹滿極瀉急用  
三承氣湯選而下之大便通而熱愈矣倘脈浮表證  
尚在或帶嘔者知邪未全入腑尤在半表裏間尚用  
小柴胡和之俟大便硬實不得不下者只得以大柴  
胡下之若陽明汗多或已經發汗利小便而大便不  
通者此津液枯竭宜蜜導通之

### 譫語

譫語者經云邪氣盛則實精氣奪則虛故實則譫語

虛則鄭聲胃中實熱上乘於心心為熱胃則神識昏  
迷妄有所見而言也輕則睡中呢喃重則不語亦語  
有譫語者有獨語者有語言不休者有言亂者此數  
者見其熱之輕重也大抵熱入於胃水涸蕪燥必發  
譫語為實也有被火劫取汗而譫語者有亡言譫語  
者有下利清穀不渴譫語者此為虛也或脈來沉實  
洪數有力大便不通小水赤燥渴譫語狂妄腹中脹  
滿硬痛或潮熱自汗或下利純清水心腹硬痛者皆  
裏證邪熱燥屎也俱大承氣下之下後利不止與夫

喘滿氣逆而寸奔自利脈沉而寸浮者為逆也其二

陽合病身重脉實難轉口中不和面垢遺尿白虎湯或  
大便結大熱乾嘔錯語呻吟不眠犀角解毒湯初得  
病無熱狂言煩燥不安精采不與人相當與五苓散  
三錢以新汲水探吐一法用桂苓湯狂言漱水不欲  
嚥大便黑小水不利身黃脹滿此因當下失下是瘀  
血譫語桃仁承氣下盡黑物則愈婦人經水適來適  
斷續得寒熱此爲熱入血室譫語小柴胡湯陽明證  
喜忘如狂者亦瘀血也照前桃仁承氣下盡黑物則  
愈矣

鄭聲

家秘的本

卷二

四十一

鄭聲者如鄭衛之音轉不正也蓋汗下後若病久本音失而正氣虛則語散不知高下乃精氣奪之候其脉微細大小便自利小柴胡湯也

### 小便不通

小便不利者邪氣聚於下焦結而不散甚則小腹硬滿而痛此小便不通也大抵有所不利者行之取其滲利也若引飲過多下焦多熱或中濕發黃水飲停滯皆以利小便為先惟汗後亡津液胃中乾與嘔明汗多者則以利小便為戒設或小便不利而見頭汗身熱者乃陽脫固格之病為矣引飲過多小便不利下



無者熱脈浮者五苓散沉脈者白朮湯太陽病身黃脈  
沉小腹硬小水不利者知無血也與陽明無汗小便  
不利心中懊懣者必發黃茵陳五苓散黃自退而小  
便清矣

### 小便難

小便難者陰虛也陽必溱之由膀胱受熱故小便赤  
澀而不能流利也又有難下大便五六日而小便少  
者但初硬後澀不定或硬或之必澀候小便多屢定  
硬方可攻之乃胃中水穀少便雖通而不多如猪苓  
湯可也

小便自利

小便自利者爲津液偏滲大便必硬宜藥下之太陰當發身黃其小便自利者則濕熱內泄不能發黃惟血證小腹急而如狂小水自利者腎與膀胱虛而不能約制水液桃仁承氣下之若自汗小便數者雖有表證不可用桂枝謂其走津液也若誤服之得厥者以甘草乾姜爲治也

舌胎

舌上白胎者以丹田有熱胸中有寒謂其寒邪初傳入裏也小柴胡湯舌乃心之苗色應南方火邪在表

則未生胎邪入裏津液結搏則舌上生胎而滑熱氣  
漸深其舌胎燥而澀執聚于胃其胎爲之黃矣宜承  
氣湯下之若舌上黑色胎者則熱已深病勢已篤經  
曰熱病口中乾舌黑者乃腎水刑於心火也脉浮陰  
陽俱緊口中氣出舌中乾燥踈卧足冷鼻中涕出舌  
上滑胎勿妄治也到七八日以來微發熱手足溫者  
此爲欲解也及或大發熱者難治設有惡寒者小柴  
胡加乾姜服之

### 臟結

臟結者臟氣閉結而不復流布也外證如結胸狀但

欲食腹滿如故下利舌上白胎者爲異其脉寸浮關  
沉緊痛引陰筋臍腹脹滿者難治也

### 咽痛

咽喉不利而痛或成瘡不納穀食皆邪熱毒氣上衝  
而痛甘桔苦酒湯咽喉不利吐膿血手足厥冷不止  
者難治升麻六物湯主之

### 頭眩

頭眩者少陽半表裏之間表邪傳裏表中陽虛故頭  
眩又有汗下後而眩者皆亦陽虛所致少陰下利止  
時頭眩時時自汗此虛極而脫也太陽病者下之因

復發汗以此表裏俱虛其人必亡胃家汗自出而愈  
陽明病頭眩不惡寒能食而飲飲以苓白朮甘草生薑  
湯少陽證目眩小柴胡湯太陽病發汗後汗出不解  
心下悸頭眩身瞶筋惕振擗地者真武湯吐汗下後  
虛而脈沉數心下痞腸鳴氣衝咽喉不得息身振搖  
筋肉惕久則成痿茯苓白朮桂枝甘草湯是也

### 鼻衄

鼻衄者經絡熱盛迫血妄行於鼻者爲衄也是雖熱  
盛邪猶在經然亦不可發汗蓋以桂枝枝麻黃治衄  
非治衄也乃欲散經中邪氣耳其衄血固欲解若衄

不止而頭面汗出其身無汗及發汗不至足者難治  
太陽證衄血及服桂枝湯後致衄者爲欲解犀角地  
黃湯無汗而衄脉浮緊再與麻黃湯有汗而衄脉浮  
緩再與桂枝湯節菴曰此二者蓋爲脉浮而譏也若  
衄而成流者不須服藥少刻自解若點滴不成流者  
必用服藥無疑經曰奪血者無汗奪汗者無血俗人  
以血爲紅汗厥有旨哉衄家不可大汗汗之必額上  
陷脉緊急目直視不能盼不眠芍藥地黃湯陽明漱水  
不欲嚥犀角地黃湯衄而煩渴欲水水入即吐先服  
五苓散次服竹葉石膏湯若少陰也無汗發之

必動其血液從口鼻耳目中出名下厥上竭爲難治  
當歸四逆湯是也

吐血

吐血者諸陽受熱其邪在表當汗不汗致使熱毒入  
臍積蓄於內遂成吐血凡見眼閉目紅神昏語短肢  
胃迷忘煩燥漱水驚狂譫語鼻衄唾紅背冷足寒四  
肢厥逆胸腹急滿大便黑小便數皆瘀血證也雖有  
多般不必悉具但見一二便作血證主張初得此證  
急宜治之服桂枝湯吐者其後必吐膿血犀角地黄  
湯血熱者黃連阿膠湯也

心悸

心悸者築築然動怔怔忡忡不能目安是也有氣虛有停飲其氣虛者陽氣內弱心中空虛而為悸人有汗下後正氣虛而亦悸與氣虛而悸又其甚皆須定治其氣也其停飲者由飲水過多水停心下心火惡水不能目安雖有餘邪必先治悸留水也如小便利而悸者茯苓桂枝白朮湯小便少者必裏急猪苓湯為要也

發黃

發黃者濕熱交併民多病瘰者品卑陽而無陰也太陰



上熱所蒸色見於外必發黃濕氣勝則如黃蘗  
新陳熱氣勝則如橘黃而明陽寒發黃熱勢已極以  
真畜血大抵相類但小便不利大便實者爲發黃輕  
則五苓散重則茵陳湯小便不利大便黑者爲畜血  
輕則犀角地黄湯重則桃仁承氣湯濕家爲病一身  
盡痛發熱身如薰黃小便不利者五苓散小便自利  
無黃者木附湯身煩疼者麻黃湯加蒼朮若夫形如  
烟煤搖頭直視環口黎黑舉體發黃者此皆真臟絕  
也

發斑

發斑者大熱則傷血熱不散裏實表虛熱乘虛出於  
皮膚而為斑也輕則如疹子其則如錦紋或本屬陽  
誤投熱藥或當汗不汗當下不下或汗下未解皆能  
致此有兩證一曰溫蓋即冬時觸寒至春而發汗下  
不解邪氣不散故發斑也一曰熱病即冬時溫暖感  
垂厲氣過春時熱而發也慎不可發汗若汗之重令  
開泄更增斑爛也然而斑之方前與蚊迹相類發斑  
多見於胸腹蚊迹只見於手足陽脈洪大病人昏憤  
先紅後赤者斑也脈不洪大病人自靜先紅後黃者  
蚊迹也其或大便自利或短氣燥尿不通黑斑如粟

實難者盧醫不能施其巧矣凡汗下不解足冷耳聾  
煩悶欬嘔便是發斑之候溫毒發斑咳而心悶下利  
嘔吐下部并口有瘡者黃連橘皮湯陽毒斑如錦紋  
面赤咽痛脈洪大不知人者三黃石膏湯便實燥渴  
者訥胃承氣下之發斑通用升麻犀角湯熱多者玄  
參升麻黃連一物湯治也

發狂

發狂者重陽而狂熱毒所深併入於心遂使神不寧  
志不定始得少卧不饑譎語妄笑甚則登高而歌棄  
衣而走踰垣上屋罵詈不避親疎皆獨陽亢盛不大

下之何能止也若因當汗不汗瘀熱在裏下焦蓄血  
如狂者小便必自利大便黑雖時如狂未至於狂耳  
須桃仁承氣下之重陽即陽毒脈洪大面赤咽痛潮  
熱發斑如錦紋或下利黃赤陽毒升麻湯不効者三  
黃石膏湯大便實者調胃承氣湯下之大陽病不解  
熱結膀胱其人如狂而血下者愈若外不解與桂枝  
湯外已解但小腹急結與夫脈沉身黃唇燥漱水小  
水自利者亦是血證如狂輕則犀角地黃湯重則桃  
仁承氣下之若狂言直視便溺自遺與汗後大熱脈  
急狂言不能食此爲慮也

因暈筋惕

因暈筋惕者非常常有之陽氣者精則養神柔則養筋發汗過多津液涸少陽氣偏枯筋肉失所養故惕惕然動暈暈然跳也非溫經助陽之藥何有愈乎故設真武湯以救之因汗吐下後表裏俱虛有此證者逆之甚也

拂鬱

拂鬱者乃陽氣蒸越形於頭面體膚之間聚而不散也其證有分別如大便硬而氣短燥渴者實也大柴胡汗下後有此證飲水而嘔者胃虛也桂枝人參湯

加茯苓初得病發汗不徹併於陽明續自微汗出面  
色赤者陽氣拂鬱也解肌湯或汗不徹其脈浮緊者  
與麻黃湯或小便不利時有微熱大便乍難拂鬱不  
得卧此有燥屎作實也承氣湯下之是也

### 瘧後昏沉

瘧後昏沉或半月以來或十餘日終不惺惺錯語少  
神或寒熱似瘧或潮熱此因發汗不盡餘熱在心胞  
絡間故也知母麻黃湯微汗之若胃口有熱虛煩而  
嘔者竹葉石膏湯加生姜治也

### 勞復食復

之女勞復通用逍遙散之加減治也

不眠

不得眠者陽盛陰虛則晝夜不得眠蓋夜以陰為主  
陰氣盛則目閉而卧安若為陽所勝故終夜煩擾而  
不得寧所謂陰虛則與夜爭也汗出鼻乾不得卧者  
邪在表乾葛解肌湯若胃有燥屎大熱錯語及大汗  
胃中乾不得眠者邪在裏也用人承氣下之胃不和  
則卧不安故宜微熱和胃也若汗下後虛煩不得眠  
梔子豉湯咳而嘔心煩悶不眠者水氣也猪苓湯下  
後復熱晝日煩燥夜則安靜無大熱者乾姜附子湯

吐下後心中懊憹不眠者梔子豉湯陽勝陰狂言不  
眠亂夢心煩之氣者酸棗湯陰勝陽則驚悸昏沉大  
熱乾嘔錯語呻吟不眠者犀角地黃湯治之汗出脉  
虛不眠者小建中湯主也

### 多眠

夫衛氣者晝則行陽夜則行陰行陽則寤行陰則寐  
陽氣虛陰氣盛則目瞑故多眠乃邪傳于陰而不在  
陽也昏昏閉目者陰自亂也默默不言者陰至靜也  
太陽病十餘日脉浮細嗜卧者外已解神將復也設  
胸滿脇痛鼻乾不眠者風熱內攻不于乎表故熱氣



伏於裏則喜暈不得汗者小柴胡湯脈浮者羌活湯  
和湯冬用麻黃湯少陰病但欲寐尺寸俱沉細者四  
逆湯少陰病欲吐不吐欲嘔不嘔心煩多寐五六日  
自利而渴小便白者四逆湯若復煩熱不得卧者不  
治二陽合病欲眠目合則汗譫譫者則有熱也小柴  
胡湯其胃熱者亦卧也犀角解毒湯風溫狐惑亦有  
此證開在後條

狐惑

狐惑者猶豫不決進退之義也有濕屬皆虫證腹中  
有熱食入無多腸胃空虛三虫求食而食人五臟其

候四肢沉重惡聞食氣然欲眠目閉舌白齒瑱而  
目間赤白黑色變易無常虫食下部為狐下唇有瘡  
其咽乾虫食臟為惑其聲啞二者通用黃連厚角地  
黃湯加桃仁越人望而畏之厥陰消渴氣上衝心飢  
不欲食食即吐純既日胃寒復有消渴蓋熱在上焦  
而中下焦則但寒而無熱又有大便實證並用理中  
湯加大黃蜜少許微利之

百合

百合者百脉一宗舉皆受病所謂無復經絡傳次也  
大病虛勞之後臟腑不平變成此證似寒無寒似熱

無熱欲食不食欲坐不坐欲行不行口苦便赤樂水  
即吐利其脉微數每尿則通瀉者六十日愈不瀉者  
但漸然惡寒者四十日愈若尿快然頭眩者二十日  
愈俱用百合知母地黄湯也

### 魀厥

魀厥者厥陰病人素有寒妄發其汗或汗後身熱以  
致胃中虛冷飢不能食食即吐魀乍靜乍煩魀或上  
或止魀聞食即出也治法在前

### 傷風見寒傷寒見風

熱盛而煩手足自溫脉浮而緊此傷風見寒也不煩

少熱四肢微厥脉浮而緩此傷寒見風也二者爲榮  
衛俱病法雖用大青龍湯此湯峻險不可輕用須風  
寒俱盛又加煩燥方可與之不若羌活冲和湯爲神  
藥也

### 痙

痙者先太陽中風重感於寒無汗爲剛痙中風重感  
於濕有汗爲柔痙俱身執足寒頸項強急惡寒頭面  
赤目脉赤獨頭搖卒口噤背反張手足攣搐皆痙病  
也傷風頭痛常自汗出而嘔若汗之必發痙大發爲  
家汗亦作痙新瘥血虛汗出當風亦成痙若脉沉而

遲或緊或散汗指外者皆死證也有汗加減沖和湯  
無汗者羌活沖和湯口噤咬牙者大承氣湯下之

### 瘕癘

瘕癘者瘕則急而縮癘則緩而伸熱則生風風主乎  
動故筋脉相引而伸縮傷寒至此證可謂死矣能以  
去風滌熱之劑間有生者是其幸也治法瘕病同

### 風溫

風溫尺寸俱浮素傷于風因時傷熱風與熱搏即爲  
風溫其外證四肢不收身熱自汗頭疼喘息發渴昏  
眩或體重不仁慎不可汗汗之則譫語燥擾自亂無

晴光病在少陰厥陰二經萎蕤湯小柴胡選用未醒者柴胡桂枝湯發汗復身灼熱知母葛根湯渴者瓜萎根湯脈浮身重防已湯誤汗風溫防已黃芪湯也

濕溫

濕溫寸濡而弱尺小而急素傷于濕因時中暑濕與熱搏即為濕溫其狀胸腹滿目痛壯熱妄言自汗兩脛痠倦忌惡寒若發其汗使人不能言耳聾不知痛處其身青回色變是醫殺人也且濕溫在太陰蒼朮白虎湯加桂濕氣勝一身盡痛發熱身黃小便不利大便盡快五苓散加茵陳臟虛自利附子理中湯也

風濕

風濕脈浮先傷濕而後傷風也其證肢體腫痛不能轉側額上微汗惡寒不欲去衣大便難小便利熱至日脯而劇治法但微解肌若正發汗則風去濕在非徒無益而又害之羌活沖和湯咽汗小便不利者五苓散外不熱內不渴小便利未附湯緩弱昏迷脹滿身重自汗失音下利不禁白虎湯加白朮去甘草身腫痛微喘惡風杏仁湯熱而煩渴者小柴胡加大花粉若誤下之小便必不利五苓散中濕小便不利一身盡痛身黃大便快茵陳五苓散大小便俱利無恙

者木附湯身痛鼻塞小建中湯加黃芩也

溫毒中鵠

溫毒者冬月感寒毒異氣至春始發也表証未罷毒氣未散故有發斑之候心下煩悶嘔吐咳嗽後必不利寸脈洪數尺脈實大爲病則重以陽氣盛故耳通利用玄參升麻湯也

中暑脈虛而伏身熱面垢自汗煩燥大渴毛聳背惡寒昏倦身不痛與傷寒諸証大不同矣內外俱熱口燥煩渴四肢微冷而不痛用白虎湯痰逆惡寒橘皮湯熱固不惡寒竹葉石膏湯頭痛惡心煩燥五苓散



中暑用小柴胡加香薷散良脉遲逆洒然毛聳口齒  
人參白虎湯霍亂煩燥大渴腹滿厥冷轉筋黃連杏  
需湯治爲要也瀉頰冷服之如熱服反爲川瀉矣

戰慄

戰慄者陰陽相爭故身爲之戰搖也邪與正氣外爭  
爲戰內與正氣爭爲慄正勝邪得汗而解邪勝正遂  
成寒證矣在表者羌活沖和湯在內者人參理中湯  
此陰經自中之真寒者用之傳經戰慄者大柴胡湯  
治之是也

四卷五卷附  
卷三 專傷寒

劫病法 制藥法 解藥法 煎藥法 升麻發表湯

即麻黃湯 疎邪實表湯 即桂枝湯 羌活沖和湯

柴胡解肌湯 即葛根湯 柴胡解肌飲 即小柴胡湯

利 桂枝大黃湯 即桂枝湯 加味理中飲 即理中湯 茵

陳將軍湯 即茵陳湯 導赤散 即五苓散 六乙順

氣湯 如神白扁湯 即白虎湯 三黃石膏湯 三黃巨

勝湯 沖和靈寶飲 桃仁承氣對子 即桃仁湯 消

班青岱飲 生地芩連湯 加味犀角地黃湯 回陽反

本湯 柴胡百合湯 如聖飲 溫經益元湯 益元湯

桂苓飲 當歸活血湯 加味導痰湯 加減調中飲

加減續命飲 苓連消毒湯 亦神通解湯 卷四 一提金

啓蒙 一提金六經證治捷方 太陽經見證法 辨證法

軫脉法 用藥法 陽明經見證法 辨證法 軫脉法

用藥法 少陽經見證法 軫脉法 用藥法 太陰經

見證法 軫脉法 用藥法 少陰經見證法 辨證法

軫脉法 用藥法 厥陰經見證法 辨軫用同前 一

提金脉要 提金貫珠散 傷寒 傷寒標本論治

論傷寒正治逆治反攻寒熱辨

論傷寒用藥法則 卷五 傷寒

通論受病由 傷寒無陰證辨

論傷寒難拘日數辨

傷寒陽厥陰厥辨

看傷寒識証內外須知

論寒傳

足不傳手之誤

論傷寒六經變正法

論傷寒見証

識病法

論傷寒有證見之必死法

論婦人傷寒

與男子不同治法

論婦人傷寒又與前証有易法

產後傷寒與胎前有別法